



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-2-40-202-3/23**

Datum: **22.06.2023. godine**

«Agencija za vodno područje rijeke Save» Sarajevo rješavajući po zahtjevu Investitora JP Autoceste FBiH d.o.o. Mostar za izdavanje vodne saglasnosti za izgradnju deponije inertnog materijala iz iskopa, prilikom izgradnje autoceste na dionici Putnikovo brdo – Medakovo (lokacija 2), na osnovu člana 109. stav (1) tačka 11. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22) d o n o s i

RJEŠENJE **o vodnoj saglasnosti**

1. Investitoru, JP Autoceste FBiH d.o.o. Mostar, daje se vodna saglasnost u svrhu formiranja odlagališta inertnog materijala u naseljenom mjestu Jelah, deponija 2, lokacija 2, koji nastaje prilikom izgradnje autoceste na dionici Putnikovo brdo – Medakovo, na zemljištu označenom kao dio k.č. 957, 959, 965, 967, 968, 969, 970, 971, 983, 984 i 1918 K.O. Jelah, općina Tešanj, a u postupku pribavljanja odobrenja za građenje na dio projektne dokumentacije pod nazivom:
Glavni projekat, knjiga B: 1030/2, „Građevinski projekt deponija i pozajmišta sa mrežom pristupnih saobraćajnica, sa projektom uređenja rijeke Usore na lokaciji odlagališta inertnog materijala „lokacija 2“, dužine 910m, tekstualni dio i nacrti“, urađen od strane Ipsa Institut d.o.o., januar 2023. godine.
2. Ova vodna saglasnost se odnosi isključivo na formiranje odlagališta inertnog materijala – deponiju 2, u skladu sa dostavljenim rješenjem o urbanističkoj saglasnosti.
3. **Prije početka radova na formiranju odlagališta inertnog materijala – deponija 2, Investitor je dužan pribaviti potrebne saglasnosti i odobrenja te izvesti radove na uređenju korita rijeke Usore u skladu sa usvojenim tehničkim rješenjem (izgradnja nasipa na obalama rijeke Usore u dužini cca 910m i pratećih objekata), u skladu sa uslovima iz Rješenja o prethodnoj vodnoj saglasnosti.**
4. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
5. Dostavljeni Glavni projekat je revidovan i urađen u skladu sa osnovnim uslovima iz Rješenja o prethodnoj vodnoj saglasnosti broj: UP-1/21-1-40-027-8/23 od 15.03.2023. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 5.1 Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 5.2 Deponovanje materijala vršiti na način da je škarpa deponije udaljena minimalno 15m od ivice krune nasipa na branjenoj strani, koji će se prethodno izgraditi u sklopu uređenja korita rijeke Usore.
 - 5.3 Korisnik je dužan da uredno vodi dnevnik rada sa tačno definisanim količinama deponovanog materijala, visinama pojedinih slojeva i konsolidaciji istih i svim ostalim podacima koji se uobičajeno vode kod ovakve vrste radova.
 - 5.4 Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 5.5 Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 5.6 Nakon završetka radova neophodno je radni pojas urediti i očistiti od gradilišnih objekata, mehanizacije i gradilišnog otpada.
 - 5.7 Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 5.8 Nakon završetka radova, potrebno je izvršiti ravnanje i uređenje korita, obala i pojasa u kome su vršeni radovi, tj. dovođenje kompletnog terena u projektovano, odnosno, na prostorima koji su korišteni u toku gradnje, u prvobitno stanje.
- 5.9 U toku izvođenja radova nosilac prava iz ove vodne saglasnosti i odabrani izvođač radova dužni su se pridržavati svih uslova iz dozvole za građenje ukoliko isti nisu u suprotnosti sa ovom vodnom saglasnosti.
- 5.10 Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
6. Ukoliko se u toku izvođenja radova ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
7. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
8. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, tj. pristupnim putevima i deponiji za odlaganje viška izvađenog materijala.
9. Ova vodna saglasnost prestaje da važi istekom roka od 2 (dvije) godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
10. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Svojim zahtjevom, broj: 05-4082/23 od 15.05.2023. godine, zaprimljenim na protokolu Agencije 17.05.2023. godine, JP Autoceste FBiH Sarajevo, obratilo se ovoj Agenciji za izdavanje vodne saglasnosti za trajno deponovanje viška inertnog materijala nastalog prilikom izgradnje autoceste na dionici Putnikovo brdo – Medakovo (lokacija 2), na zemljištu označenom kao dio k.č. 957, 959, 965, 967, 968, 969, 970, 971, 983, 984 i 1918 K.O. Jelah, općina Tešanj, po projektnoj dokumentaciji: „Građevinski projekt deponija i pozajmišta sa mrežom pristupnih saobraćajnica, sa projektom uređenja rijeke Usore na lokaciji odlagališta inertnog materijala „lokacija 2“, dužine 910m, tekstualni dio i nacrti“, urađen od strane Ipsa Institut d.o.o., januar 2023. godine.

U prilogu zahtjeva za izdavanje vodne saglasnosti, dostavljena je slijedeća dokumentacija:

- Kopija Rješenja o izmjenama podataka o upisu u sudski registar, broj: Tt-O-500/22 izdatog 01.06.2022. godine od strane Općinskog suda u Mostaru,
- Kopija potvrde o promjeni podataka za porezni identifikacijski broj izdato 27.06.2022. godine od strane Kantonalnog poreznog ureda Mostar,
- Dokaz o uplati upravne takse u iznosu od 60,00 KM;
- Kopija rješenja o prethodnoj vodnoj saglasnosti broj: UP-1/21-1-40-027-8/23 od 15.03.2023. godine;
- Izvještaj o izvršenoj kontroli tehničke dokumentacije (knjiga B: 1030/2), Institut za građevinarstvo IG d.o.o. Banja Luka, 15.05.2023. godine;
- Glavni projekat, knjiga B: 1030/2, „Građevinski projekt deponija i pozajmišta sa mrežom pristupnih saobraćajnica, sa projektom uređenja rijeke Usore na lokaciji odlagališta inertnog materijala „lokacija 2“, dužine 910m, tekstualni dio i nacrti“, urađen od strane Ipsa Institut d.o.o., januar 2023. godine.

Naknadno je dostavljena slijedeća dokumentacija:

- Kopija rješenja o urbanističkoj saglasnosti broj: 06-19-1-309/23 od 09.06.2023. godine, Služba za katastar, urbanizam i imovinsko-pravne poslove Općine Tešanj;
- Mišljenje o potrebi pribavljanja okolinske dozvole broj: 05/2-19-5-221/23 SN od 28.03.2023. godine – kopija;
- Kopija rješenja o usvajanju prijedloga nepotpune eksproprijacije broj: 06-27-3-105-15/22 od 13.05.2022. godine, kojim se ustanovljava zakup na nekretninama označenim kao k.č. 965 i 957 K.O. Jelah;
- Kopija rješenja o usvajanju prijedloga nepotpune eksproprijacije broj: 06-27-3-109-14/22 od 16.05.2022. godine, kojim se ustanovljava zakup na nekretninama označenim kao k.č. 970 i 971 K.O. Jelah;
- Kopija rješenja o usvajanju prijedloga nepotpune eksproprijacije broj: 06-27-3-107-15/22 od 15.06.2022. godine, kojim se ustanovljava zakup na nekretninama označenim kao k.č. 969 K.O. Jelah;
- Kopija rješenja o usvajanju prijedloga nepotpune eksproprijacije broj: 06-27-3-112-16/22 od 10.05.2022. godine, kojim se ustanovljava zakup na nekretninama označenim kao k.č. 983 i 984 K.O. Jelah;
- Kopija rješenja o usvajanju prijedloga nepotpune eksproprijacije broj: 06-27-3-106-13/22 od 13.05.2022. godine, kojim se ustanovljava zakup na nekretninama označenim kao k.č. 968, 959 i 967 K.O. Jelah, Služba za katastar, urbanizam i imovinsko-pravne poslove Općine Tešanj.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku koji je prethodio donošenju ovog rješenja utvrđeno je:

Izgradnja deponije je planirana na dijelovima parcele označene kao k.č. 957, 959, 965, 967, 968, 969, 970, 971, 983, 984 i 1918 K.O. Jelah, općina Tešanj. Na predmetnoj lokaciji planirano je formiranje deponije na kojoj će se zbrinuti višak zemljanog materijala nastalog prilikom izgradnje autoceste na dionici Putnikovo brdo – Medakovo (lokacija 2). Lokacija planirane deponije se nalazi uz korito rijeke Usore, na desnoj obali. Predmetna lokacija deponije se trenutno nalazi u poplavnom području rijeke Usore i u neposrednoj blizini vodnog dobra uz rijeku Usoru.

U cilju formiranja deponije zemljanog materijala neophodno je prethodno izvesti radove na uređenju korita rijeke Usore na potezu planirane deponije. Nakon uređenja korita rijeke Usore na predmetnom lokalitetu stvorit će se uslovi za odlaganje viška materijala izvan vodnog dobra i poplavnog područja rijeke Usore. Površina planirane deponije iznosi cca 56027 m², sa procijenjenom količinom deponovanog materijala od 452789 m³, prosječne visine 7,5m. Deponovanje materijala bi se odvijalo fazno, po slijedećim tehnološkim cjelinama: čišćenje terena, rješenje odvodnje, izrada nasipa od materijala iz iskopa, planiranje i zbijanje istog te humiziranje i zatravljanje kosina deponije. Predviđeno je humiziranje kosina deponije, ukupne površine od cca 73733 m².

Projektnom dokumentacijom su obuhvaćena rješenja kojima se obezbjeđuje pojas širine 15 m od gornje ivice planiranog nasipa u sklopu uređenja korta rijeke Usore u cilju zadovoljenja zahtjeva o zabrani odlaganja i deponovanja otpada u obalnom pojasu. Završna obrada tijela deponije treba da se uradi planiranjem završnih kontura, te da se izvrši humiziranje slojem humusa. Planirano je da se prihvatanje i odvodnja površinskih voda vrši segmentnim jarkom koji je smješten u nožici nasipa deponije i vodi u nagibu do ispusta u rijeku Usoru.

Na osnovu prednjeg i provedenog postupka, a shodno članu 114. Zakona o vodama, članovima 7. i 17. stav 1. tačka 14. Pravilnika o sadržaju, obliku, načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20 i 63/22) konstatovano je da sa aspekta sektora voda ne postoje smetnje da se podnosiocu zahtjeva izda tražena vodna saglasnost uz uslove propisane u tački 5, pa je riješeno kao u dispozitivu rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka
Nihad Pezo, dipl.inž.građ.

Prilog, ovjeren dio projekta koji se odnosi na aktivnost deponovanja materijala:
Glavni projekat, knjiga B: 1030/2, „Građevinski projekt deponija i pozajmišta sa mrežom pristupnih saobraćajnica, sa projektom uređenja rijeke Usore na lokaciji odlagališta inertnog materijala „lokacija 2“, dužine 910m, tekstualni dio i nacrti.“

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- JP Autoceste FBiH, Adema Buće 20, 88000 Mostar (Prilog)
- ⊖ AVP Sava, ISV - vodna knjiga - ovdje
- Arhiva - ovdje
- Oglasna ploča AVP Sava